



CONVENIO ENTRE O INSTITUTO GALEGO DE PROMOCIÓN ECONÓMICA E A CONFEDERACIÓN DE EMPRESARIOS DE GALICIA PARA A XESTIÓN DO SERVIZO LICITACIÓNS INTERNACIONAIS

MEMORIA XUSTIFICATIVA PORTAL DE TRANSPARENCIA

A subdirectora da Área de Internacionalización do Instituto Galego de Promoción Económica (IGAPE)

DECLARA:

Que este Instituto ten previsto formalizar coa Confederación de Empresarios de Galicia (CEG) o instrumento convencional arriba referido por un período de vixencia que abrangue dende do día da súa sinatura ate o 30 de decembro de 2025.

Que o instrumento convencional ten por obxecto a xestión do Servizo de Licitacións e Alertas Internacionais (SALT) posto en marcha no ano 2022 para dar servizo ás empresas galegas.

O obxectivo é fomentar a internacionalización do tecido produtivo galego, asegurando unha maior presenza de empresas galegas no exterior, en concreto na órbita dos organismos multilaterais e as oportunidades de negocio que ofrecen ao sector privado.

Que existe converxencia de intereses entre as entidades asinantes en orde á consecución do obxecto referido.

Que o convenio que se pretende asinar fundamentase no seguinte:

- I. No período 2022-2023 leváronse a cabo satisfactoriamente as actuacións realizadas co apoio do convenio subscrito entre o Igape e a CEG dirixidas á creación dun Servizo de Licitacións e Alertas Internacionais (SALT) dirixido a dar servizo as empresas galegas.

Esta ferramenta de información sobre licitacións está incluída na "Estratexia para a internacionalización das empresas galegas 2021-2025" presentada polo IGAPE, que pon o foco na súa liña de actuación 1 poñer ao dispor das empresas a "información facilitadora para levar a cabo procesos de internacionalización".



- II. Que a CEG é unha organización privada e independente, cuxo principal obxectivo fundacional é o fomento do sistema de iniciativa privada e a economía de mercado na Comunidade Autónoma galega. Constituída no ano 1981 por común acordo das catro Confederacións Provinciais de Empresarios, a CEG é unha entidade sen ánimo de lucro, de afiliación voluntaria e de estrutura democrática. Desde a súa creación, a organización empresarial máis representativa no ámbito autonómico galego, é membro da Confederación Española de Organizacións Empresariais (CEOE) e da Confederación Empresarial da Pequena e Mediana Empresa (CEPYME). Acta de Constitución e Estatutos, que foron depositados segundo a Lei 19/1977, de 1 de abril e R.D. 416/2015, de 29 de maio, de 22 de abril, na Dirección Xeral de Relacións Laborais da Xunta de Galicia.

A CEG é a principal organización empresarial de Galicia, da que forman parte as organizacións empresariais provinciais e máis de 150.000 empresas, na meirande parte pemes.

- III. Que nos últimos anos a CEG colaborou activamente nas iniciativas de desenvolvemento económico e internacionalización de empresas promovidas pola Xunta de Galicia con fondos europeos, como os convenios de transferencia do orzamento para a realización de actividades relacionadas co EURES Transfronteirizo Norte de Portugal-Galicia dende o ano 2018 ata 2023 e o novo período 2024-2025.
- IV. Que o IGAPE comprobou que nos últimos anos o comportamento responsable das organizacións adquiriu unha importancia moi relevante, para garantir o futuro das empresas e dos seus produtos, xa que inciden directamente nos resultados económicos empresariais e tamén facilitan o acceso ás licitacións desde organismos públicos nacionais e internacionais, e mesmo a procesos de acceso de provedores en grandes corporacións multinacionais, xa que son requiridos nunha alta porcentaxe destes procesos.

Por todo iso, IGAPE e a CEG están interesados en colaborar para a consecución dos obxectivos comúns nas materias ás que se fai mención nos expositivos precedentes mediante a sinatura deste convenio.

A subdirectora de Internacionalización

Laura González-Dopeso Portela



INSTITUTO GALEGO
DE PROMOCIÓN
ECONÓMICA